

Co statti cun la stabilitad da l'aura

Magari han ins l'impressiun che l'aura na saja betg pli usche stabila sco pli baud. Constat quai? Nus vain ils fatgs.

14

La Svizra e l'aur dals nazis

La cumissiun d'experts Bergier ha gi l'incumbensa da sclerir la derivanza da l'aur furnì dals nazis.

22



DIE SÜDOSTSCHWEIZ

LA QUOTIDIANA

Redacziun: Via comerciala 22, 7007 Cuira, tel. 081 920 07 10, fax 081 920 07 15

Scolasts en moviment

■ (anr/sr) El Grischun separticipeschan 54 scolas al project «scola en moviment». Dalla partida ein era las scolas da Sedrun, Mustér e dil Consorzi da scola Lumnezia dado. Per ch'els scolasts sappien integrar di per di dapli moviment en scola e motivar ils scolars da semover dapli el temps liber ein era els semess en moviment. La jamna vargada ein 45 persunas d'instrucziun da Tujetsch, Mustér e dalla Lumnezia s'entupadas a Mustér per in di d'informaziun e moviment. Els promoturs Nicoletta Marino, Egmont Heisch e Catrina Stegger han dau tips ed ideas per giugs da moviment.

> PAGINA 9

reclama

Sbagl d'investiders: part 27

Tenor il titular dal premi Nobel Daniel Kahneman n'empredan investiders tendenzialmain betg da lur sbagls. Cun pitschens inputs vulain nus midar quai. Oz: aversiun cunter perditas.

Il mal, cura ch'ins perda è pli grond ch'il plaschair, cura ch'ins gudogna. Quel fenomen sa numna «aversiun cunter perditas». I sa tracta d'in tipic sbagl d'investiziun che investiders tegnan per regla bier memia ditg lur aczias deficitaras. Els speran d'in cuntin che lur deficit vegnia cun il temp puspè gulivà. Las perditas per cunter pon entant s'accumular facilmain a l'infinita. La sentenza da Leroy Gross, autur e commerziant d'opziuns, che vegn savens citada sa basa sin l'aversiun cunter perditas: «Il pli grond donn per investiders sa resulta da la tendenza d'ignorar perditas a tut pretsch e da sperar ch'il deficit vegnia cun il temp gulivà.»

Voss cusseglader d'investiziun da la Raiffeisen As infurmescha gugent persunalmain.

www.raiffeisen.ch

RAIFFEISEN

Servetsch d'abunents e da distribuziun: tel. 0844 226 226 mail: abo@suedostschweiz.ch



Munt S. Gieri sco forum cultural

Igl areal dil casti a Vuorz duei vegnir nezegiaus meglier egl avegnir

DA HANS HUONDER / ANR

■ **Igl areal dil casti Munt Sogn Gieri a Vuorz ei buca mo in dils bials loghens dil cantun Grischun, mobein era ina perdetga da temps vargai. El duei vegnir nezegiaus meglier egl avegnir.**

Ils davos 20 onns ein ils baghetgs ed il contuorn dil Munt Sogn Gieri a Vuorz vegni restaurai per ina summa da rodund 1,5 miliuns francs. Igl areal cun ses baghetgs imposants sepostscha sco paucs auters loghens en Surselva per arranschaments da different gener. La vischnaunca da Vuorz ch'ei possessura digl edifeci vul nezegiar meglier quellas premisas egl avegnir. Per quei motiv ha la suprastanza communal giu installau ina gruppa da lavur avon dus onns. Ussa ha quella presentau ils emprems resultats. Munt Sogn Gieri duei esser egl avegnir in forum per la cultura sut tschiel aviert, mo era in liug da sentupada per occurrenzas pintgas e grondas. Sco completaziun dalla infrastruttura duei vegnir erigiu cheu in baghetg annex per diffe-



Dapi la restauraziun ha igl areal dil Munt Sogn Gieri a Vuorz survegniu nova muntada.

FOTO H. HUONDER

rent diever. Il «palazi», sco quei che quel vegn numnaus, sebasasin in'idea digl architect Gion A. Caminada. Il proxim temps duei

il project vegnir concretisau. Su-prastanza communal e fundaziun vegnan a sefatschentar dallas ideas e decider co cuntinuar. Sil-

sunter duein ils detagls vegnir reglai.

> PAGINA 3.

La proxima opera ei sil binari

■ (anr/ac) Cun Nabucco porscha Opera Viva a Sursaiusa ina dallas pli popularas operas dil cumpost Giuseppe Verdi. Dils 24 da fenadur entochen ils 10 d'uost spetgan ils organisaturs 6000 aspectaturs allas presentaziuns ed al program accumpignont. Da niev ha il dirigent Gion Gieri Tuor surpriu la direenziun musicala e Martin Candinas tgamuna ton l'unioni Opera Viva sco il comite d'organizaziun. Sper l'equipa organisatorica secumprovada garantesch numerus sponsurs e donaturs ed in tschuat voluntaris il success per in dils grands events culturals en Surselva. La preven-tida ei gia lantschada cun success.

> PAGINA 3

Bler da far

■ (anr/fa) L'on passà han gnü ils impressaris da fabrica in Engiadina Bassa blera lavur, p. ex. la renova-zion ed ingrondimaint da la staziun da viafier a Scuol, la fabrica da la Punt d'En vers Vulpera o la nova pendiculara sün Motta Naluns. Sco chi infurmescha Roland Conrad, el presidescha da la Società d'impressaris da fabrica grischuna la sezziun Engiadina Bassa e Val Müstair, s'haja raggiunt uschè ün bun on eir grazcha a las investi-zions da l'Uffizi da construcziun bassa chantunal illas vias in Engiadina Bassa. In Val Müstair invezza ha investi il man public l'on passà plü pac co oters ons. «Ingon però sun previs plüs progets.»

> PAGINA 13

Engulau 80 000 francs a Dieni

■ (lq) La notg dalla dumengia sin gliendisdis han delinquis nunenconuscents, rut en el biro dalla staziun a val dalla Pendicularas da Sedrun SA a Dieni. Els hagian rut si il tresor ed engulau bien 80 000 francs. Quei ha Silvio Schmid, il directur dallas pendicularas, confirmau ier sera enviars il Radio Rumantsch. La gronda part da quei seigien daners en furma da schecs da Reka. La polizia ha aunc buca pudü tier ils delinquis. Tals che han fatg ob-servaziuns duein s'annunziar.

Tenor cusseglieger dals stadis Theo Maissen (pcd GR) avess l'iniziativa da repatriament da la pps stui vegnir declarada per nunvalaivla.

KEYSTONE



siun ha demussà che era dretgs democratics han lur cunfins, là nua che dretgs internaziunals imperativs u cunvegns bilatera-

las vegnan violadas. Sunter lunga discussiun ha il cussegl dals chantuns decidì cun 28 cunter 13 vuschs da declarar l'iniziativa

sco valaivla ed è entrà sin la cunttraproposta.

> PAGINA 2

Cunfins da la democrazia

Viva debatta davart l'iniziativa da repatriament en il cussegl dals stans

■ (anr/lc) **Tenor la lescha vertenta pon esser repatriadas persunas estras che han commess grevs delicts. Quai na tanscha betg a la pps. Ella ha inoltrà ina iniziativa che pretendà in repatriament da tuttas persunas estras che han commess delicts.** En quest connex han il cussegl federal ed il parlament examinà a fund la dumonda da la valaivladad da l'iniziativa. Tant il cussegl federal sco ils experts da dretg dal parlament èn dal parairi che l'iniziativa saja valaivla. Tuttina han Theo Maissen ed ina minoritad dal cussegl dals chantuns giuditgà l'iniziativa sco nunvalaivla, perquai ch'ella violeschia il dretg imperativ e na saja er betg applicabla en la pratica. La discus-

reclama

SO SPART MAN HEUTE. UND SAMSTAGS.

	Fr. 1.10 gespart 1.65 2.75	Fr. 2.30 gespart 2.30 4.60	Fr. 6.40 gespart 9.50 15.90
	Schweinsbäggli frisch Schweiz / Deutschland 100g	Lovely Toilettenpapier gelb, Recycling 3-lagig, 10 Rollen 150 Blatt	Ripasso Valpolicella Lamberti 2007* Italienischer Rotwein, 7,5 dl

Aktionen gültig bis Samstag, 20. März 2010 oder solange Vorrat. Abgabe nur in Haushaltsmengen. Alle Preise sind in CHF angegeben. Satz- und Druckfehler vorbehalten. *Jahrgangsänderungen vorbehalten.

So frisch. So nah. So günstig.